



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Art. 5. Vtrum voluntas humana Christi fuerit omnino conformis voluntati
diuinæ.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

ARTICVLVS V.

*Vtrum voluntas humana Christi
fuerit omnino conformis Vo-
luntati diuina?*

præceptum ex vi amoris beatifici, tamen poterat etiam acceptare liberè sub aliâ ratione, & ex vi amoris liberi. Neque haec acceptationes erant eiusdem speciei: quia acceptatio necessaria tendebat in rem præceptam sub ratione boni necessarij ad diuinam amicitiam: acceptatio autem libera dirigebatur per scientiam infusam, & non tendebat in opus, tanquam in bonum necessarium; sed in tale, cuius electionem posset omittere: satis enim erat ad præcepti explectionem altera acceptatio. Confirmatur Secundò, Quia in alijs rebus, ad quas necessarij determinati sumus, experimur nos actu libero eas posse acceptare: vt mortem, captiuitatem, & similia: cur non etiam eas, ad quas voluntas determinata est? Nec obstat, quod ille actus non videatur efficax, eò quod sine eo res fieret: quia ex parte sua efficax est, & sufficiens qui opus faciat, etiam si aliunde nulla esset eius necessitas. Itaq; Dominus etiam actu libero mortem acceptauit, quamvis aliunde eam necessarij acceptaret. Neque hic actus est reflexus, sed directus in ipsum obiectum: non enim solum vult liberè illum necessarium consensem in mortem, sed etiam ipsam mortem.

Obiicitur Quartò, Ex prævisione futurorum. Nam Christi Anima à primo instanti suæ conceptionis, videbat omnes functiones, quas erat obiturus in vitâ, omnesque modos, & circumstantias illarum: ergo voluntas eius neque aliud, neque alter poterat velle facere, quâm intellectus videbat illam facturam: ergo voluntas erat omnino determinata ab intellectu.

Refellitur. Respondeo, Visionem illam Christi, quatenus terminabatur ad futuras ipsius actiones, dependebat a vsu libero voluntatis humanae. Non enim id est Christus illas actiones erat obiturus, quia illas præuidebat: sed contrà, ideo illas præuidebat, quia aliquando erat illas facturus. Talis itaque suppositio, cùm omnino ab ipsa libertate pendat, libertatem non tollit; alioquin cuerte ret suum obiectum, atque adeo scipsum. Confirmatur; Nam si id est Anima Christi videt suas actiones, quia illæ futuræ sunt: ergo secundum rationem prius est illas esse futuras, quâm illas esse vias: atqui secundum hanc rationem future crâ liberæ: ergo à visione, quâz ratione est posterior, non accipiunt necessitatem: Nam ipsius libertas per visionem illam videtur: ergo non destruitur. Ratio est, Quia visio illa, vt versatur circa actus futuros, nullam habet vim in voluntatem: vnde non magis tollit libertatem, quâz visio futurorum in Deo, tollit libertatem actionum nostrorum: Est enim intuitio purè speculativa, supponens secundum rationem ipsas actiones futuras cum omnibus suis modis & circumstantijs.

Nec obstat, Quod illâ visione posita, infallibile sit actus illos esse futuros: quia hoc non provenit ex eo, quod voluntas à visione determinatur; sed potius ex eo, quod voluntas per suas actiones futuras visionem determinat. Secundus est de visione, quâz quis videt decretum diuinum, quo Deus decrevit ut sic opereris: quia decretum illud, est causa, cur sic lis operatur; & visio illius decreti ad hoc voluntatem determinat; ita vt sine peccato non possit velle nisi in contrarium.

*Vnde in-
fâbilis-
tas ac-
tionum
Christi.*

R Espondetur, Christus secundum Appeti- 11 tum sensitium & voluntatem naturalem, Distin-
poterat aliud velle quâm Deus (intellige, affectu ur.
simplici & inefficaci) v. g. non pati, non mori:
Secundum voluntatem autem rationalem, quæ omnes circumstantias considerat, non poterat aliud velle, quâm Deus: intellige, voluntate ef-
ficaci & absolutâ.

Vt hæc res clarius explicetur: Nota, ex 1. 2. q. Triplex c-
19. a. 10. &c. in dub. 1. humanam voluntatem posse formitas
esse tripliciter conformem diuinæ. Primò; Secun- voluntas,
dum se: quando Deus vult me hoc velle, quam- diuinæ &
uis ipse hoc non velit; vt patet in voluntate A-
brahæ, quâz voluit immolare Filium. Secundò; Quando est conformis in volito materiali: vt quando eandem rem volunt. Tertiò; In volito formalis; id est, quando volunt aliqua etiam diuersa, propter eandem rationem. Ut Daniel. 10.
patet in voluntate Principis Persarum, & Prin-
cipis Synagogæ.

Nunc Dico Primò, Voluntas humana Christi 12
absoluta & efficax, quâz explicatur per Volo, vole, Abſoluta
semper fuit conformis diuinæ voluntati in voli- voluntas
to formalis; id est, in ratione volendi. Christi
Probatur Ioan. 4. v. 34. Meus cibus est, vt faciam formis di-
voluntatem eius qui misit me. & cap. 6. v. 38. Veni uina in
vt faciam voluntatem eius, qui misit me. & c. 8. v. 29. volito for-
Quia placita sunt ei, facio semper. Et alibi. Definita mali.
est hæc veritas in VI. Synodo act. 4. in epistola
Agathonis, & 17. in definitione fidei. Vide Ian-
senium Episcopum Gandensem in illud Matth. 26.
Verum tamen non mea voluntas, sed tua fiat. Ratio
est; Quia hæc conformitas est necessaria, vt vo-
luntas humana sit honesta: atqui voluntas Chri-
sti maximè fuit honesta; vt qui semper in omni-
bus Dei gloriam spectauerit: quod etiam spectat Deus.

Dico Secundò, Voluntas humana Christi ab- Item in
soluta & efficax, semper fuit conformis diuinæ, volito ma-
teriali. Est communis Docto-
rum in 3. dist. 15. vcl. 17. D. Thomæ hinc & in-
frâ q. 21. a. 4. Ratio est; Quia Christus non poter-
at absoluto velle, quod Deus absolutè nollebat
fieri. Cùm enim clare videret in Deo, quidquid ipse absolutè in quâque re volebat; videbat contrarium esse impossibile, saltem ex suppositione:
vnde suppositâ cùm visione non poterat absolutâ
voluntate conari in contrarium; quia voluntas
absoluta non est impossibilium, quamvis impossibili-
tates sit ex suppositione.

Dices, Christus poterat considerare in suis cruciatis, solum natura incommodum, non considerando actu diuinâ ordinationem, aut hominum utilitatem: ergo poterat illud obiectum ita consideratum, absolutè nolle.

Respondeo, Saltem per scientiam beatam non poterat vti illa præcisione: vnde non poterat iudicare contrarium absolutè eligendum. Per sci-
entiam autem infusam, poterat quidem speculatiū
considerare cruciatus sine ordinatione diuinâ;

tamen practice, seu in ordine ad electionem voluntatis, non poterat: quia tunc necessarium erat omnia considerare, quæ prudens electio postulabat.

¹³
Voluntas
inefficax
non fuit
semper cō-
formis di-
uina in vo-
lito mate-
riali.

Dico Tertio; Voluntas Christi interdum habuit motus simplices & inefficaces, qui non erant conformes diuina voluntati in re volitæ; tamen secundum se semper erant conformes, vel etiam secundum rationem volendi.

Vbi aduerte; In Christi voluntate fuisse interdum motus inefficaces, qui explicantur per *Vellit*, *nolle*, qui nihil aliud sunt, quam simplex complacientia aut disiplentia: habuitque voluntas hosc motus non solum ut *Natura*, id est, vt fertur in naturæ commodum, vel fugit cius incommoda; sed etiam ut Ratio tum superior, tum inferior: Vt, cum volebat latere, & non poterat; cum volebat omnes conuerti, & neminem perire.

*Prob. de
motu na-
turali*

Prior Par. de motu naturali, quem habuit voluntas ut *natura*: Probatur Matthæi 26. v. 39. *Non sicut ego volo, sed sicut tu.* Hic motu naturali refutit mortem; cum tamen diuina voluntas vellet ipsum suscipere mortem, cui se hic subiicit. Dices; quomodo hic motus erat *confitaneus* rationi, cum discreparet à voluntate diuinæ? Respondeo; Etiamsi discreparet in obiecto materiali, tamen ipse motus secundum se erat conformis rationi, ac proinde voluntati diuinæ: quia ratio excitabat & imperabat hunc motum secundum Dei voluntatem; idque partim ad demostriandam veritatem naturæ humanae, & passionis acerbitudinem; partim ad excitandam in se maiorem tristitiam. Adde; Probabile esse etiam in beatis tales motus voluntatis naturales esse posse; vt, ad Resurrectionem corporum: quod insinuator Apoc. 6. quamquam etiam iij in illis sint liberi quoad exercitium.

*Tales mo-
rus sunt
etiam in
Beatis.*

*Prob. de
motu Ra.
tionali.*

Quod autem non solum motus voluntatis naturalis, sed etiam rationalis, poterat diffentire à voluntate diuinæ in volito materiali, siue esset in ratione superiori siue inferiore: Probatur; Quia id docet D. Tho. in 3. dist. 17. q. 1. art 2. quæstiunc. 3. & Gabriel eadem distinctione. Et Scotus dist. 15. Et patet Marci 7. & Matth. 9. vbi Chri-

stus volebat latere, & non poterat: quæ voluntas erat ex inclinatione ad commodum aliquod naturæ, sed ex aliquâ honestâ ratione: vnde pertinebat ad voluntatem, vt Ratio est. Similiter volebat omnes salvare, neminem perire; quod tamen Deus absoluè non volebat. Ratio est; Quia in his actibus exercendis poterat esse aliqua honesta causa pertinentis ad rationem superiorem, vt honor Dei, salus proximi: Vnde illi motus erant ex inclinatione Rationis superioris, & non Naturæ. Nec mirum hoc videri debet, quia etiam in beatis, & in ipso Deo, suo modo tales velleitates & nolleitates esse possunt.

Ex quibus patet altera Pars; scilicet, hos motus conformes fuisse diuina voluntati, siue secundum se, siue in obiecto formali.

*Sunt etiā
tales vel
lettates in
beatis.*

ARTICVLVS VI.

Vtrum in Christo fuerit contrarie- tas Voluntatum?

R Espondetur; In Christo absoluè non fuit appetitum contrarietas. Est fide terrena: ut patet ex Epistolâ Agathonis in VI. Synodo act. 4. & act. 17. vbi absoluè definitur, quod voluntas humana non reluetabatur diuinæ. Idem definitur in Concilio Lateranensi sub Martino I. can. 15.

Voluntas

humana

Christi

nunquam

reluctans

fuit Diui-

na.

Patet ex dictis; Quia voluntas humana Christi absoluè, erat conformis diuinæ in volito materiali, & formalis: inefficax autem erat conformis eidem diuinæ voluntati, vel in volito formalis, vel faltem tamquam operatio suæ regulæ; nam Deus volebat Christum pati tales motus: ergo etiam erat conformis voluntati humanæ absoluè & efficaci: ergo nulla erat contrarietas, Volo enim & nolo sunt contraria; sed hæc in Christo circa idem simul non fuerunt; sed tantum *Volo* & *nolle*; quæ nihil repugnant. Denique omnes Christi voluntates erant secundum virtutem; vt patet ex suprà dictis: ergo nulla inter eas erat contrarietas.

QVÆSTIO XIX.

De Operatione Christi & Merito.

In Quatuor Articulos diuisa.

ARTICVLVS I.

Vtrum in Christo sit tantum una Operatio?

*Monothel-
ites.*

R Espondetur; In Christo sunt duæ operationes; altera diuinitatis, altera humanitatis. Est de fide definita in VI. Synodo, act. 2. 4. 8. 13. 17. contra Cyrum, & Theodorum, & alios Monothelitas, qui asserebant tantum unicam voluntatem & operationem

esse in Christo. Item in Concilio Lateranensi sub Martino I. cap. 10. & sequentibus.

Nota; Hæreticos qui ponebant tantum unicam voluntatem in Christo, posuisse etiam tantum unicam operationem, scilicet ex parte unius principij operantis; vt sicut omnes nostra actiones sunt humanæ voluntatis, vt pote ab ea elicite vel imperante; ita omnes actiones Christi, essent actiones diuinae voluntatis tantum ab ea elicite vel imperante; quæ diuina voluntas id faceret in Christo, quod voluntas humana facit in nobis. Hæc videtur illorum hæreticorum sententia: sed refutatio